

金匱要略五十家註

張仲景著
葛洪注

R 253.2
6

金匱要略五十家註卷三

海門吳隱亭考槃編纂

霍亂病脈證治第三

考槃按此篇舊本列入傷寒論腹陰篇後。今新訂於此改次第三義詳附言。

問曰。病有霍亂者何答曰。嘔吐而利名曰霍亂。

成無己曰。三焦者水穀之道路。邪在上焦則吐而不利。邪者下焦則利而不吐。邪在中焦則既吐且利。以飲食不節。寒熱不調。清濁相干。陰陽乖隔。遂成霍亂。輕者止曰吐利重者揮霍撩亂名曰霍亂。

方中行曰。霍吐也。亂雜亂也。靈樞曰。清氣在陰濁氣在陽。清濁相干。亂於腸胃。則為霍亂是也。

張隱庵曰。霍亂者由邪實於胃。脾胃內虛。轉輸不力。以致嘔吐而利。一時並發。是名霍亂也。

程郊倩曰。凡病至而能奠安治定者全賴中焦脾胃之氣為之主。今則邪犯中焦。卒然而起致令脾胃失其主持。一任邪之揮霍。嘔吐下利。從其治處而擾亂之。是名霍亂。

周禹載曰。此專以霍亂為問。不兼外感者也。蓋霍亂為胃家寒物鬱滯。乃血未病。

而氣病者。惟脾阻而不能動。氣遂遏而不能舒。中既隔滯。勢必上犯為嘔吐。又必下奔為利。此三焦皆邪陰陽乖舛矣。

黃坤載曰。食寒飲冷。水穀不消。外感風寒。則病霍亂。脾胃以消化為能。水穀消化舊者下傳。而新者繼入。中氣運轉。故吐利不作。水穀不消。在上脘者。則胃逆而為吐。在下脘者。則脾陷而為利。或吐或利。不並作也。若風寒外束。經迫府鬱。則未消之飲食不能容受。於是吐利俱作。蓋胃本下降。今上逆而為吐。脾本上升。今下陷而為利。是中氣忽然而紊亂也。故名曰霍亂。

陳修園曰。中土為萬物之所歸。邪傷中土。邪氣與水穀之氣一時交亂。故上嘔吐而下利。邪正紛爭。倉忙錯亂。名曰霍亂。

考槃按此證治宜附子理中湯。

問曰。病發熱頭痛。身疼。惡寒。吐利者。此屬何病。答曰。此名霍亂。自吐下。又利止復更發熱也。

成無己曰。發熱頭痛。身疼。惡寒者。本是傷寒。因邪入裏。傷於脾胃。上吐下利。今為霍亂。利止裏和。復更發熱者。還是傷寒。必汗出而解。

方中行曰。發熱頭痛。身疼。惡寒。外感也。吐利。內傷也。上以病名。求病證。此以病證實病名。反覆詳明之意。

張隱庵曰。上文但言嘔吐而利。是名霍亂。此言寒邪在表而兼吐利之霍亂也。發熱頭痛身疼惡寒。是為寒邪在表復兼吐利。故此名為霍亂。霍亂自吐下者。言未有名為霍亂而不吐下也。又利止復更發熱者。言發熱頭痛身疼惡寒吐利。乃一時並發。又有利止復更發熱。如下所謂本是霍亂。今是傷寒者是也。○高士宗曰。吐利為霍亂。今但曰利止。則吐亦止。發熱頭痛身疼惡寒為傷寒。今但曰發熱。亦為傷寒。所謂書不盡言也。

尤在涇曰。此即上條之意而詳言之。蓋霍亂之病本自外來。以其人中氣不足。邪得乘虛入裏。傷於脾胃而作吐利。所以有發熱頭痛身疼惡寒之證。或邪氣直侵脾胃。先自吐利。迨利止裏和。則邪氣復還之表而為發熱。今人吐利之後往往發熱煩渴者是也。

金鑑曰。此承上條以詳出其證也。發熱頭痛身疼惡寒。在表之風寒暑熱為病也。嘔吐瀉利。在裏之飲食生冷為病也。具此證者。名曰霍亂。若自嘔吐已。又瀉利止。仍有頭痛身疼惡寒。更復發熱。是裏解而表不解也。宜用藿香正氣湯或香薷飲散而和之可也。若不頭痛身疼惡寒。吐下汗出發熱渴而引飲。是表解而裏未解也。宜長砂六一散或白虎加人參湯。補而清之可也。

黃坤載曰。表寒外束。故發熱頭痛身疼惡寒利止發熱者。表裏寒盛。經陽暴過也。

傷寒其脈微濇者。本是霍亂。今是傷寒。却四五日至陰經上轉入陰必利。本嘔下利者。不可治也。欲似大便而反失氣仍不利者。屬陽明也。便必鞶。十三日愈。所以然者。經盡故也。當作失。

音色失
成無己曰。微為亡陽。濟為亡血。傷寒脈微濇。則本是霍亂。吐利亡陽亡血。吐利止傷寒之邪未已。還是傷寒。却四五日邪傳陰經之時。裏虛遇邪。必作自利。本嘔者邪甚於上。又利者邪甚於下。先霍亂裏氣大虛。又傷寒之邪再傳為吐利。是重虛也。故為不治。若欲似大便而反失氣仍不利者。利為虛。不利為實。欲大便而反失氣。裏氣熱也。此屬陽明。便必鞶也。十三日愈者。傷寒六日。傳遍三陰三陽。後六日再傳經盡。則陰陽之氣和。六邪之氣去而愈也。

張隱庵曰。此承上文利止復更發熱之意。言先霍亂後傷寒。邪入於陰則不可治。病在陽明為欲愈也。傷寒其脈微濇。主精血內虛。本是霍亂者。本於吐利者也。今是傷寒者。利止而復更發熱也。却四五日至陰經上轉入陰者。四日至太陰。五日而轉入於少陰也。邪入於陰。故必下利。夫陰寒下利。急當救裏。若先本霍亂之嘔吐下利。後入陰復利者。裏氣先虛。為不可治。欲似大便而反有失氣仍不利者。此屬陽明便鞶。不同陰寒下利。故十三日愈。又申言所以得愈者。經盡而來復於太陽故也。

周禹載曰。霍亂為胃中寒物鬱滯既嘔且利脈必微濡微為陽虛濡為稍滯也。今是傷寒則陽邪方盛而陰脈如此至四五日轉至陰經之時無有不利者矣。假使先嘔至此復利則上逆下脫已成危候可妄治歟若利止而轉失氣雖傳經者轉歸胃府便即鞭知十三日可愈也何也寒物之滯既已利盡利盡陽復故令便鞭而又再周兩經之期則津液必回而便鞭自除正可於此而知其所以然矣。

魏念庭曰。此申解霍亂病似乎傷寒應為辨明孰為傷寒之吐利孰為霍亂之吐利以定治法無誤也。傷寒中之吐利有六經形證霍亂中之吐利有表裏陰陽俱應一一辨明才有確見而不搖惑也。

金鑑曰。此承上條辨發熱頭痛身疼惡寒吐利等證為類傷寒之義也若有前證而脈浮緊是傷寒也今脈微濡本是霍亂也。然霍亂之病初病即有吐利傷寒吐利却在四五日後邪傳入陰經之時始吐利也。本此是霍亂之即嘔吐即下利故不可作傷寒治之俟之自止也。若止後似欲大便而去空氣仍不大便此屬陽明也然屬陽明者大便必鞭雖大便鞭乃傷津液之鞭未可下也當俟至十三日經盡胃和津回便利自可愈矣。若過十三日大便不利為之過經不解下之可也。章虛谷曰。微濡非傷寒之脈本是霍亂先傷中氣故也。今又是傷寒却四五日已到陰經期上其邪轉入於陰不能化熱而必利者因本有霍亂之嘔利今又表寒

入裏而下利。則上下交征。表裏俱困。其脈微濁。正不勝邪。則為不可治之病也。若當表邪。入陰。破似大便。而反失氣。仍不利者。是脾家實。其邪已轉屬陽。明陽動而得轉。戾氣也。陰病轉陽。故不利而便必鞶矣。自傷寒之始。計十三日當愈。所以然者。病發於陽。七日愈。病發於陰。六日愈。十三日則人身陰陽之氣皆旺。而邪之行於經者盡矣。故愈也。

考槃按

此據文氣不疑有脫誤

下利後當便鞶。鞶則能食者愈。今反不能食。到後經中頗能食。復過一經能食。過之一日當愈。不愈者不屬陽明也。

考槃按復過一經能食句疑衍

成無己曰。下利後亡津液。當便鞶。能食為胃和。必自愈。不能食者為未和。到後經中為復過一經。言七日後再經也。頗能食者。胃氣方和。過一日當愈。不愈者。暴熱使之能食。非陽明氣和也。

張隱庵曰。此承上文陽明便鞶之意。言人以胃氣為本。能食則愈。不必專屬陽明也。下利後當便鞶。承上文便鞶而言也。人以胃氣為本。故便鞶而能食者愈。今反不能食。病當未愈。到後經中頗能食者。七日至十二日。臟府經氣調和。故頗能食也。復過一經能食者。至十三日而亦能食也。過之一日。當陽明主氣之期。故當愈而不愈於此日者。穀入於胃。諸經皆以受氣能食。則諸經氣脈自和。而不專屬陽

明也。

程郊情曰。便鞶必能食。方是胃陽得復。其愈也方為真愈。今更不能食。則便雖鞶而熱未除。愈不愈未可知也。更須驗及後經到後經中頗能食。或者胃陽尚在。熱雖未除。不妨再過一經。復過一經能食過於前。則吉與凶判於此一日矣。驗多食則亦駢當愈。熱因能食而除。胃陽復也。此一日不愈。反能食而熱不已。則胃陽已經革職。屬除中之能食。不屬陽明也。

金鑑曰。此申上條下利後便必鞶之義也。凡下利後腸胃空虛。津液匱乏。當大便鞶。鞶則能食者。是為胃氣復。至十三日津回便利。自當愈也。今反不能食。是為胃氣未復。俟到十三日後經過之日。若頗能食。亦當愈也。如其不愈。是為當愈不愈也。當愈不愈者。則可知不屬十三日過經便鞶之陽明。當屬吐利後胃中虛寒不食之陽明。或屬吐利後胃中虛燥之陽明也。此則非藥不可。俟之終不能自愈也。理中脾約擇而用之可也。

惡寒脈微而復利。利止亡血也。四逆加人參湯主之。按金鑑曰。利止亡血。如何。周大熱補藥。利止應是利不止。亡血。成無己曰。惡寒脈微而利者。陽虛陰勝也。利止則津液內竭。故云亡血。金匱玉函曰。水竭則無血。與四逆湯溫經助陽。加人參生津液益血。

補足是亡陽當
補之及之。

張隱庵曰。此承上文轉入陰必作利之意。言虛寒復利而亡血也。惡寒脈微者。今是傷寒而轉入少陰也。復利者。本是霍亂則已利而今復利也。夫本嘔下利為不可治。今利雖止而亦亡血也。故更以四逆加人參湯主之。

周禹載曰。脈微已屬陽虛。况兼惡寒耶。惡寒脈微而利不回陽。其利漫無止期。今利止者。固亦下多亡陰。而厥陰固藏血者也。然使兼補血藥於四逆湯中。幾何不益陰而反增其利耶。故但加人參。遂使陽藥無制陰之慮。而陽生陰長。自然之道也。非聖人孰能有此神妙乎。

尤在涇曰。惡寒脈緊者。寒邪在外也。惡寒脈微者。陽虛而陰勝也。則其利為陰寒而非陽熱。其止亦非邪盡而為亡血矣。故當與四逆以溫裏。加人參以補虛益血也。○按此條本非霍亂證。仲景以為霍亂之後。多有裏虛不足。而當溫養者。故特隸於此類。

陳修園曰。霍亂利止後。惡寒脈微。陽氣虛而不支而復利。夫中焦取汁化而為血。下利則傷其中焦之氣。血之根元虧矣。利雖止而亡血也。四逆湯補陽氣。加人參以滋中焦之汁。

四逆加人參湯方

甘草二

乾薑一兩半 水半

附子一枚 生去皮破八片

人參一

右四味以水三升煮取一升二合去滓分溫再服

周禹載曰陰盛陽微四逆在所必用然亡血則加人參以其能助津液也此正與傷寒太陽亡陽桂枝湯中入人參為新加湯同義也

王晉三曰四逆加人參治亡陰利止之方蓋陰亡則陽氣亦與之俱去故不獨治其陰而以薑附溫經助陽參草生津和陰也

章盧谷曰惡寒脈微本是陽虛不固而下利利多陰傷則血亦亡故以四逆回陽為主加參以生營血乃助陽生陰之法也

考案按此證雖曰亡血而惡寒脈微實係

陽微以薑附助陽參甘益血也

霍亂頭痛發熱身疼痛熱多欲飲水者五苓散主之寒多不用水者理中丸主之成無己曰頭痛發熱則邪自風寒而來中焦為寒熱相半之分邪稍高者居陽分則為熱熱多欲飲水者與五苓散以散之邪稍下者居陰分則為寒寒多不用水者與理中丸溫之

方中行曰熱多欲飲水者陽邪勝也五苓散主之寒多不用水者陰邪勝也理中丸溫之

張隱庵曰此言霍亂傷寒雖有寒熱之殊皆當治其脾土之義霍亂者嘔吐而利也頭痛發熱身疼痛者霍亂而兼傷寒也夫霍亂則中土先虛後病陽明本燥之

氣熱多而渴欲飲水者。當主五苓散助脾土之氣。散精於上。以滋渴熱。不得陽明本燥之氣。寒多而不用水者。當主理中丸補脾土之虛。以溫中胃。五苓者。五位中央散者。散於肌腠理中者。理其中焦丸者。彈丸如土。雖有寒熱之殊。皆當治其脾土者。如此。按唐容川曰。陽明之熱是白虎湯證。此五苓散之熱是太陽之水氣。溫泄而衛陽與之相爭也。若解為燥氣。則與吐利腹五苓散之法不合。其理中湯證解。謂則不差也。

沈明宗曰。此言霍亂須分寒熱而治也。頭痛發熱身疼痛者。風寒傷於表也。外風而挾內熱飲食以致吐利必欲飲水。當以五苓散兩解表裏。使外邪從汗出。裏邪即從小便而去。不欲飲水者。寒多無熱。胃陽氣虛。當以理中丸溫中散寒。為主。此以表裡寒熱辨證治病也。

黃坤載曰。熱多欲飲水者。溼盛而陽隔也。五苓利水泄溼。陽氣下達。上熱自清矣。寒多不用水者。陽虛而中寒也。理中溫補中氣。陽氣內復。中寒自去也。

五苓散方

豬苓十八錢去皮
氣味甘平

茯苓十八錢
味甘平

澤瀉一兩六錢
氣味甘寒

桂半兩○一
本作桂枝

白朮十八
錢

考槃按前漢律歷志註曰。十秦為錢。十餘為錠。二十四錠為兩。一百八十四錠為斤。陶宏景殊思過俱以十秦為錢。誤。

右五味為末。以白飲和服。方寸匕。日三服。多飲煖水。汗出愈。

陶宏景曰。方寸匕者。作匕正方一寸。抄散取不落為度。

陳靈石曰。苓者令也。化氣而通行津液。號令之主也。二苓澤潤皆化氣之品。有白朮從脾以輸轉之。則氣化而水行矣。然表裏之邪不能因水利而而解。故必加桂枝以解之。作散以散之。多飲煖水以助之。使水精四布。上滋心肺。外達皮毛。微汗一出。而表裏之熱兩蠲矣。白飲和服亦即桂枝湯啜粥之義也。

章虛谷曰。五苓散化三焦之氣。通行表裏。以利水道者也。相傳有用桂枝者。有用桂者。若欲其走表。宜用桂枝。若欲走裏。宜用肉桂。為治三焦之主方也。蓋三焦主升降者也。升降實由脾之轉運。而中焦為機樞。是故清濁相干。亂於中焦。而吐利交作。乃成霍亂。使三焦調達。濁降清升。則吐利自止。故用之以治霍亂也。解者止作膀胱經藥。闡其義矣。即如用治霍亂。霍亂豈是膀胱之病哉。經曰。三焦者。中瀆之府也。水道出焉。屬膀胱。是三焦為膀胱之上司。而脾又為三焦之機樞也。明乎此。可知五苓散之方義所本矣。

理中丸方

人參

三兩

白朮

三兩

甘草

三兩

乾薑

三兩
味辛溫

右四味搗篩為末。蜜和丸如雞黃大。以沸湯數合。和一丸研碎。溫服之。日三四。夜二服。腹中未熱。益至三四丸。此都略切師。山皆切沸。方味切。○下利湯法。及加減。

陶宏景曰。凡丸藥云如細麻者。即胡麻也。如大麻子者。佳三細麻也。胡豆者。以二
大麻准之。如小豆者。以三大麻准之。如大豆者。以二小豆准之。如梧桐子者。以大
豆准之。如彈丸及雞黃者。以四十梧桐子准之。後不責

方中行曰。理治也。料理之謂中。裏也。裏陰之謂參。朮之甘溫裏也。甘草甘平和中
也。乾薑辛熱散寒也。

柯頤伯曰。白朮培脾土之虛。人參益中宮之氣。乾薑散胃中之寒。甘草緩三焦之
急也。

周禹載曰。既吐且利津液之去者多矣。乃不欲飲水。則內皆陰邪所逼。以致上逆
下走也。參朮可以生津。可以補正。甘草和中。乾薑散寒。使中州固而上逆下行者
自止矣。

汪訥庵曰。此足太陰藥也。人參補氣益脾。故以為君。白朮健脾燥溼。故以為臣。甘
草和中補土。故以為佐。乾薑溫胃散寒。故以為使。以脾胃居中。故曰理中。

吐利止而身痛不休者。當消息和解其外。宜桂枝湯小和之。
成無己曰。吐利止。裏和也。身痛不休。表未解也。與桂枝湯小和之外。臺云。裏和表
病。汗之則愈。

方中行曰。吐利止。裏和也。身痛表退而新虛也。消息猶言斟酌也。桂枝湯固衛以

和表者也小和言少少與服不令過度之意也

張隱庵曰此承上文霍亂傷寒之意而言吐利止則霍亂已愈身痛不休則寒邪未盡故當消息和解其外宜桂枝湯小和之曰小和者謂大邪已去而病輕微也黃坤載曰吐利既止而痛不休以表寒未解經氣壅滯之故故以桂枝湯通經解表小和其外身痛即休也

桂枝湯方

桂枝
兩

芍藥
兩

甘草
兩

生薑
兩

大棗
十二枚

右五味㕮咀以水七升微火煮取三升去滓適寒溫服一升服已須臾啜稀熱粥一升以助藥力溫覆令一時許遍身熱熱微微似有汗者益佳不可令如水流漓病必不除若一服汗出病差停後服不必盡劑若不汗更服依前法又不汗後服小促其間半日許令三服盡若病重者一日一夜服周時觀之服一劑盡病證猶在者更作服若汗不出乃服至二三劑禁生冷粘滑肉麵五辛酒酪臭惡等物禁者皆粘滑者如海鹽切忌者海鹽

尤在涇曰此方用桂枝發散邪氣即以芍藥攝養津氣甘草合桂枝之辛足以攘外合弓藥之酸足以安內生薑大棗甘辛相合補益營衛亦助正氣去邪氣之用也服已須臾啜稀熱粥一升餘所以助胃氣即所以助藥力蓋藥力必藉胃氣以行也溫覆令微汗不使流漓如水者所謂汗出少者為自和汗出多者為太過也

一服汗出病差停後服者中病即止不使過之以傷其正也若不汗後服小促及服至二三劑者期在必克以汗出為和而止也仲景示人以法中之法如此

舒馳達曰桂枝走太陽之表專驅衛分之風芍藥和陰護營甘草調中解熱薑辛能散寒甘能和又以行脾之津液而調和營衛也

陳修園曰桂草辛甘化陽助太陽融會肌氣芍草苦甘養陰啟少陰真安營血薑佐桂枝行陽柔佐芍藥行陰此方本不發汗藉熱粥之力充胃氣以達於肺令風邪從皮毛而解不傷氣血為諸方之冠

章虛谷曰經曰飲入於胃游溢精氣上輸於脾脾氣散精上歸於肺通調水道下輸膀胱水精四布五經並行則是一身之氣血輸布周流皆出於脾胃水穀之所生化者也夫藥之功用全在氣味辛甘化陽酸甘化陰必由脾胃生化上歸於肺達於周身故脾胃為營衛之本營衛為脾胃之標凡治營衛之病必從脾胃立法也此方薑桂之辛配甘棗之甘以化陽芍藥之酸配甘棗之甘以化陰陽走表而入衛陰走裏而入營陽勝則陰從陽陰勝則陽從陰陰主收攝陽主疏通以其薑桂之辛多芍藥之酸少則陽勝於陰陰從陽而疏通者也營衛受邪肌肉窒滯故有身疼等證此方立法從脾胃以達營衛周行一身融表裏調陰陽和氣血通經脈非攻伐非補助而能使塞者通逆者順偏者平格者和是故無論內傷外感皆

可取法以治之。辨

考藥按本經芍藥氣味苦平苦以泄溼故合桂枝以調和營衛而治身痛等證。章註誤解酸寒與藥性脈證俱不合。

吐利汗出發熱惡寒四肢拘急手足厥冷者四逆湯主之

成無己曰上吐下利裏虛汗出發熱惡寒表未解也四肢拘急手足厥冷陽虛陰勝也與四逆湯助陽退陰

方中行曰吐利四肢拘急手足厥冷裏陰虛也汗出發熱惡寒表陽衰也四逆湯表裏合救之劑也

張隱庵曰吐利汗出乃中焦津液外泄發熱惡寒表氣虛也四肢拘急津液竭也手足厥冷者生陽之氣不達於四肢故主四逆湯啟下焦之生陽溫中焦之土氣周禹載曰吐者陰氣上逆也利者陰邪下走也而復見汗出則為真陽外脫不復溫養經脈之候矣安得不以四逆主治乎

尤在涇曰此陽虛霍亂之候發熱惡寒者身雖熱而惡寒身熱為陽格之假象惡寒為虛冷之真諦也四肢拘急手足厥逆者陽氣衰少不柔於筋不溫於四末也故宜四逆湯助陽氣而驅陰氣

陳修園曰吐則津液亡於上矣利則津液亡於下矣汗亡則津液亡於外矣亡於外則表虛而發熱惡寒亡於上下無以榮筋而四肢拘急無以順接而手足厥冷

者以四逆湯主之。助陽氣以生陰液。

四逆湯方

甘草二

乾薑一兩半

附子一枚生

右三味以水三升煮取一升二合去滓分溫再服強人可大附子一枚乾薑三兩。
成無己曰。四逆者四肢逆而不溫也。四肢者諸陽之本。陽氣不足陰寒加之。陽氣
不相順接。是致手足不溫而成四逆。此湯申發陽氣却散陰寒。溫經暖肌。是以四
逆名之。甘草味甘平內經曰。寒淫於內治以甘熱却陰扶陽必以甘為主。是以甘
草為君。乾薑味辛熱內經曰。寒淫所勝。平以辛熱逐寒正氣必先辛熱是以乾薑
為臣。附子味辛大熱內經曰。辛以潤之開發腠理致津液通氣也。暖肌溫經必憑
大熱是以附子為使。此奇制之大劑也。四逆屬少陰少陰者腎也。腎肝位遠非大
劑則不能達內經曰。遠而奇耦制大其服此之謂也。

金鑑曰。方名四逆者主治少陰中外皆寒四肢厥逆也。君以炙甘草之甘溫溫養
陽氣臣以薑附之辛溫助陽勝寒。甘草得薑附鼓腎陽溫中寒有水中煖土之功。
薑附得甘草通關節走四肢有逐陰回陽之力。腎陽鼓陰寒消則陽氣外遠而脈
升手足溫矣。

既吐且利小便復利而大汗出下利清穀內寒外熱脈微欲絕者四逆湯主之。